

0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28




泰江圖書館

deli得力



浙江圖書館



浙江圖書館

劉賓客文集卷第十九

浙江圖書館藏

浙江圖書館藏

浙江圖書館藏

浙江圖書館藏



浙江圖書館

劉賓客文集卷第十九



集紀

唐故相國李公集紀

館

唐故中書侍郎平章事韋公集紀

唐故相國贈司空令狐公集紀

唐故尚書主客員外郎盧公集紀

唐故衡州刺史呂君集紀

唐故尚書禮部員外郎柳君集紀

董氏武陵集紀

澈上人文集紀

中山集

唐故相國李公集紀

天以正氣付偉人必飾之使光耀于世粹和細溫積
于中鏗鏘發越形乎文文之細大視道之行止故得
其位者文非空言咸繫于訐謨宥密庸可不紀惟唐
以神武定天下群慝既讐驟示以文韶英之音與鉦
鼓相韻故起文章為大臣者魏文貞以諫諍顯馬高
唐以智略奮岑江陵以潤色聞無草昧汗馬之勞而
任遇在功臣上唐之貴文至矣哉後王纂承多以國
柄付文士元和初憲宗遵聖祖故事視有宰相器者
貯之內庭繇是釋筆硯而操化權者十八九公實得

時而光爲公諱絳字深之趙郡人在貢士中傑然有
竒表既登太常第又以詞賦陞甲科授祕書省校書
郎歲滿從調有司設甲乙問以觀決斷復居高品補
渭南尉擢拜監察御史未幾以本官充翰林學士居
中轉尚書主客員外郎歷司勳郎中知制誥遷中書
舍人風儀峻整敷奏謹切言事感動上輒目送之一
旦召至浴堂門與語半日曰將移用于大位宜稔熟
民聽遂出爲戶部侍郎遷中書侍郎同平章事毅然
有直声及用免而問望益大周旋公卿間五爲尚書
歷御史大夫左僕射一以三公領太常刺近輔居保

卷十九

肇登齋壇皆再焉大和三年以司空鎮南鄭居二歲
坐氣剛王折海內冤惜之後三年嗣子前京兆府尹
曹掾璆次子前監察御史襄行頊等泣持遺草請編
之肇自從試有司至于宰天下詞賦詔誥封章啓事
訶詩贈餞金石颺功凡四百餘篇勒成二十卷上所
以知君臣啓沃之際下所以備風雅詩書之義洪鐘
駭聽瑤瑟清骨其在翰苑及登台庭極言大事誠貫
理直感通神祇龍鱗收怒天日回照古所謂一言興
邦者信哉始愚與公為布衣游及仕畿服幸公同邑
其後雖翔泳勢異而不以名數草初心今考其文至

其後雖翔泳勢異而不以名數草初心今考其文至

論事疏感人肺肝毛髮皆聳嗚呼其盛唐之遺直歟

唐故中書侍郎平章事韋公集紀

漢庭以賢良文學徵有道之士公孫弘條對第一席
其勢鼓行人間取丞相且侯使漢有得人之声伊弘
發也皇唐文物與漢同風故天后朝燕國張公說以
詞標文苑徵玄宗朝曲江張公九齡以道侔伊呂徵
德宗朝天水姜公公輔杜陵韋公執誼河東裴公均
以賢良方正徵憲宗朝河南元公稹京兆韋公淳以
才識兼茂徵僖西牛公僧孺李公宗閔以能直言極
諫徵咸用對策甲於天下繼為有声宰相古今相望

卷十九

落落然如騎星辰與夫起版築飯牛者異矣公本名
溥舉進士登賢良既仕方更名處厚字德載漢丞相
扶陽侯之裔孫後周道遙公官夏之八代孫江陵節度
參謀監察御史裏行贈右僕射某之元子生而聰明
絕人在提孩發言成詩未幾能賦受經於先君僕射
學文於伯舅許公孟容及壯通六經旁貫百氏咨天
人之際遂探曆數明天官窮性命之源以至於佛書
尤邃初為集賢殿校書郎宰相李趙公監修國史引
直東觀就改咸陽尉遷右拾遺轉左補闕世稱有史
才而能諫諍入尚書為郎歷禮部考功皆人望所在

上方用威武以警介庭宿兵寢久常丞相貫之酌人
情上言不合意冊免因歷詆所善公在伍中出為開
州刺史居二年執友崔敦詩為相徵拜戶部郎中至
闕下旬歲間以本官知制誥穆宗新即位注意近臣
召入翰林充侍講學士初授諫議大夫續換中書舍
人侍游蓬萊池延問大義退而進六經法言二十編
優詔荅之賜以金紫尋遷權知兵部侍郎知制誥翰
林侍講史館修撰長慶四年春敬宗踐祚以公用經
術左右先帝五年稔聞其德尤所欽侍內署故事與
外廷不同凡言翰林學士必草詔書有侍講者專備

卷十九

顧問雖官為中書舍人或他官知制誥第用其班次
 耳不竄言於訓詞至是上器公且有以寵之乃使內
 謁者申命去侍講之稱慮未諭于百執事居數日降
 命書重舉舊官以明新意尋真拜夏官貳卿由是內
 度詞臣無出其右者凡密音必承乎權輿故號承旨
 學士上富春秋未親庶政或有凝滯視公如著龜寶
 曆季年宮壺間一夕生變人情大駭雖音臣無所關
 決唯內著得參為群議開胡然俟公一言而定數
 難續服再維乾綱今上繼明策勳第一擢拜中書侍
 郎同中書門下平章事以高材遇英主功顯人伏言

無不從筆端膏寸墨及天下盡罷冗食請歸才人事

無不從筆端膚寸澤及天下盡罷冗食請歸才人事
先有司物止常貢城社無託巖廊益尊感恩盡瘁不
番神用大和二年十二月上前言事未及畢詞疾作
暴債以朝服委地同列白奏播笏扶持之不能起上
命中貴人左右翼負歸于中書如大醉狀上震驚咨
嗟徵醫賜藥旁午疊委會莫肩輿至第詰旦以不起
聞贈祿加常禮後十年嗣子蕃以太子舍人直弘文
館編次遺文七十通銜哀貢誠乞詞以冠其首謹按
公未為近臣已前所著詞賦讚論記述銘志皆文士
之詞也 以才麗為主自入為學士至宰相以往所執

卷十九

筆皆經綸制置射成潤色之詞也以識度為宗觀其
發德音福生人沛然如時雨褒元老諭功臣穆然如
景風命相之冊和而莊命將之誥昭而毅薦賢能其
氣似孔文舉論經學其博似劉子駿發十難以推言
利者其辯似管夷我噫逢時得君奮智謀以取高位
而令名隨之豈不偉哉初蕃既纂修父書咨于先執
李習之請文為領袖許而未就一旦習之憮然謂蕃
曰翺昔與韓吏部退之為文章盟主同時倫輩惟柳
儀曹宗元劉賓客夢得耳韓柳之逝久矣今翺又被
病慮不能自述有孤前言齋恨無已將子薦誠于劉

君乎無何習之夢奠于襄州蕃具道其語余感相國
之平昔且嘉蕃之虔，孝敬庶幾能世其家故不讓
云

唐故相國贈司空令狐公集紀

起文章而陟大位丹青景化焜燿藩方如非煙祥風
綠飾萬物而與令名相終始者有唐文臣令狐公實
當之公名楚字穀士燉煌人今占數于長安右部天
授神敏性能無師始學語言乃協宮徵故五歲已為
詩成章既冠參貢士果有名字時司空杜公以重德
知貢舉擢居甲科琅邪王拱識公於童非雅器重之

卷十九

至是拱自虞部正郎領桂州銳於辟賢以酬不次之
遇先拜章而後告公既而授試弘文館校書郎公為
人子重難遠行稟命而去居一歲竟迫方寸而歸家
在并汾間急於祿養捧從事檄于并州凡更三牧官
至監察御史元和初憲宗聞其名徵拜右拾遺歷太
常博士入尚書為禮部員外郎性至孝既孤以善居
喪聞中月除刑部員外時帝女下嫁相禮闕官公以
本官攝博士當問名之答上親臨帳幄簾內以窺之
禮容其備甚聲氣朗徹上目送良久謂左右曰是官可
用記其姓名未幾改職方知制誥詞鋒犀利絕人遠

甚適有旨選司言高第者視草內庭宰臣以公為首

甚適有旨選司言高第者視草內庭宰臣以公為首
遂轉本司郎中充翰林學士滿歲遷中書舍人專掌
內制武帳通奏栢梁陪燕嘉猷高韻冠于一時會淮
右稽誅上遣丞相即戎以督戰公草詔書詞有涉嫌
者相府上言有命中書參詳竄定因罷內職歸閣中
而君心眷然將有大用且出入以試之乃牧華州兼
御史中丞錫以金紫居鎮七月遷大夫充河陽三城
懷州節度使又七月急召抵京師拜中書侍郎同中
書門下平章事天下然後知上心倚以為相非一朝
也是歲元和十四年秋明年正月憲宗晏駕惜其在

位日淺遭時大變穆宗踐阼轉門下侍郎平章事萬
幾百度別有所付第以舊相署位充山陵使七月禮
畢部下更有以賦狀聞者朝典用責率之義是以左
授宣歙池等州都團練觀察處置使兼御史大夫恩
顧一異媒孽隨生旋又貶衡州刺史移郢州轉太子
賓客分司東都尋起為陝虢觀察使或有上封者稱
前以奉陵寢不檢下獲譴令陵土猶濕未宜遽用次
陝一日重為賓客分司長慶四年改河南尹其秋授
檢校禮部尚書兼汴州刺史充宣武軍節度管内觀
察處置等使汴州為四戰之地擇帥先有功峻刑右

武疑似沈命號為危邦者積年公始以清儉自律以
恩信待人以夷坦去群疑以禮讓汰慘急自上化下
速於置郵泮林革音無復故態爾書勞之就加大司
馬文宗纂服三年冬上表以大臣未識天子願朝正
月制曰可操節入覲遷戶部尚書俄為東都留守又
轉檢校尚書右僕射兼鄆州刺史天平軍節度使後
以王業之始實為北京移鎮太原從人望也以吏部
尚書徵續換太常卿真拜尚書左僕射太和九年冬
十一月京師有急兵起上方御正殿即日還宮是夕
召公決事禁中以見賢遍事傳古義為對其詞謹切

卷十九

無所顧望上心嘉之居一二日守本官兼諸道鹽鐵
轉運使以幹利權既非素尚佗佗牢讓故復為檢校
左僕射興元尹山南西道節度觀察使兼御史大夫
開成二年十一月十二日薨于漢中官舍享年七十
齊終之前一日自修遺表初述感恩陳力之大義中
及朝廷刑政之或闕意切言盡神識不昏上深悼之
形于愍冊未登三事故以贈之歸全之夕有大星殞
于正寢之上光燭于庭天意若曰既稟之而生亦有
涯而落其文章貴壽之氣焰欵初憲宗覽國書見五
王復辟之際狄梁公實尸之公為台臣獨召便殿問

王復辟之際，公實尸之。公為台田，獨召便服。曰：仁傑有後乎？公以其支孫試校書郎，兼暮為對。即日拜左拾遺。公遂草制，它日相術者因扶其詞，以為非春秋諱魯之旨。穆宗新即位，謙讓不自決，遂有衡州之貶。公議寬之，嗟乎！天之於賦予也，甚畱而難周。公獨富文華，丁良時，歷名卿，至元老，蓋忠廉孝友愛才與物合，是粹美以將之，知可謂全德矣。既免喪，嗣子左補闕，洵集公之文，成一百三十卷。因長子太子左諭德弘分司東都，負其笥來謁，泣曰：先正司空與大人為顯文，檄懸之前五日所賦詩寄友，非他人也。今手澤尚存，言之嗚咽，長號予為之慟，收淚而視分

卷十九

當編次之始公參大鹵記室以文雄於邊議者謂一方不足以騁用徵拜於朝累遷儀曹郎乃登西掖入內署訐謨密勿遂委魁柄斯以文雄於國也嗚呼咫尺之管文敏者執而運之所知皆合在藩聳萬夫之觀望立朝賁群寮之頰舌居內成大政之風霆導畎澮於章奏鼓洪濶於訓誥筆端層寸膏潤天下文章之用極其至矣而又餘力工於篇什古文士所難兼焉昔王珣為晉僕射夢人授大筆如掾覺而謂人曰此必有大手筆事後孝武哀冊文乃珣之詞也公為宰相奉詔撰憲宗聖神章武孝皇帝哀冊文時稱乾

宰相奉詔撰憲宗聖神章武孝皇帝哀冊文時稱乾
陵崔文公之比今考之而信故以為首冠尊重事也
其它各以類聚著于篇

唐故尚書主客員外郎盧公集紀

心之精微發而為文文之神妙詠而為詩猶夫孤桐
朗玉自有天律能事且者其名必高名由實生故久
而益大尚書郎盧公諱象字緯卿始以章句振起於
開元中與王維崔顥比肩驤首鼓行於時妍詞一發
樂府傳貴由前進士補祕書省校書郎轉右衛倉曹
掾丞相曲江公方執文衡揣摩後進得公深器之擢
為左補闕河南府司錄司勳員外郎名盛氣高少所

卷十九

卑下為飛語所中左遷齊汾鄭三郡司馬入為膳部
員外郎時大盜起幽陵入洛師東夏衣冠不克歸王
所為虜劫執公墮脇從伍中初謫果州長史又貶永
州司戶移吉州長史天下無事朝廷思用宿舊徵拜
主客員外郎道病留武昌遂不起故相崔太傅時為
右史方在鄂以文誌其墓其一詞曰噫公妙年有聲
振耀當代翱翔雲路不虞增則層繳盛名先物易生
癘疵三至郎署坐成遺耄躑躅江臯棲棲沒齒見知
者恨之公遠祖元魏北齊後周皆為帝師公之叔父
嵩山逸人諫議大夫顯然真隱者也公下世後七十

二年其孫元符捧遺草來乞詞以表之嘗經亂離多

萬山逸人諫議大夫顯然真隱者也。公下世後七十三年其孫元符捧遺草來乞詞以表之。嘗經亂離多所散落。今之存者十有二卷。凡若干篇。

唐故衡州刺史呂君集紀

五行秀氣得之居多者為俊人。其色湫澹於顏間。其聲發而為文章。天之所與有物來相。彼由學而致者。如工人染葺。以視羽畎。有生死之殊矣。初貞元中。天子之文章煥乎垂光。慶霄在上。萬物五色。天下文人為氣所召。其生乃蕃。靈芝萐莆與百果齊。圻然煌々翹々出乎其類。終為偉人者。幾希矣。東平呂和叔實生是時。而絕人遠甚。始以文學震三川。三川守以為

卷十九

貢士之冠。名聲西馳。速如羽檄。長安中諸生咸避其鋒。兩科連中。芒刃愈出。德宗聞其名。自集賢殿校書郎擢為左拾遺。明年大戎請和。上問能使絕域者。君以竒表有專對材。膺選。轉殿內史。錫之銀章。還拜尚書戶部員外郎。轉司封。遷刑部郎中。兼侍御史。副治書之職。會中執法。左遷。緣坐道州刺史。以政聞。改衡州。年四十而沒。後十年。其子安衡泣捧遺草。來謁洛余。紬之成一家言。凡二百篇。和叔名溫。別字化光。祖考皆以文學至大官。蚤聞詩禮於先侍郎。又師吳郡陸質。通春秋。從梁肅學文章。勇於藝能。咸有所祖。年

陸質通春秋從梁肅學文章勇於藝能咸有所祖年

益壯志益大遂撥去文學與雋賢交重氣槩覈名實
歆然以致君及物為大欲每與其徒講疑考要玉霸
富彊之術臣子忠孝之道出入上下百十年間詆訶
角逐疊發連注得一善輒盱衡擊節揚袂頓足信容
得色舞于眉端以為按是言循是理合乎心而氣將
之昭昭然若揭日月而行孰能闕其勢而爭夫光者
乎烏呼言可信而時異道甚長而命窄精氣為物其
有所歸乎古之為書者先立言而後體物賈生之書
首過秦而荀卿亦後其賦和叔年少遇君而卒以謫
似賈生能明王道似荀卿故余所先後視二書斷自

人文化成論。至諸葛武侯廟記為上篇。其它咸有為而為之。始學左氏書。故其文微為富豔。夫羿之闕弓。唯已蛇九日。乃能盡其殼。而回注鸚爵。亦要失中於尋常之間。非羿之手。苟有能。有不能。所遇然也。後之達解者。推而廣之。知余之素交。不相索於文字之內而已。

唐故尚書禮部員外郎柳君集紀

八音與政通。而文章與時高。下三代之文。至戰國而病。涉秦漢。復起。漢之文。至列國而病。唐興。復起。夫政靡而土裂。三光五嶽之氣。分扶問大音不完。故必混

麗而土裂三光五嶽之氣分
大音不完故必混

一而後大振初貞元中上方嚮文章昭回之光下飾
萬物天下文士爭執所長與時而奮槩焉如繁星麗
天而芒寒色正人望而敬者五行而已河東柳子厚
斯人望而敬者欵子厚始以童子有竒名於貞元初
至九年為名進士十有九年為材御史二十有一年
以文章稱首入尚書為禮部員外郎是歲以踈雋少
檢獲訛出牧邵州又謫佐永州居十年詔書徵不用
遂為柳州刺史五歲不得召病且革留書抵其友中
山劉某曰我不幸卒以謫死以遺草累故人某執書
以泣遂編次為三十通行於世子厚之喪昌黎韓退

之誌其墓且以書來弔曰哀哉若人之不淑吾嘗評其文雄深雅健似司馬子長崔蔡不足多也安定皇甫湜於文章少所推讓亦以退之之言為然凡子厚名氏與仕與年暨行已之大方有退之之誌若祭文在令附于第一通之末云

董氏武陵集紀

五圖

片言可以明百意坐馳可以役萬景工於詩者能之風雅體變而興同古今調殊而理冥達於詩者能之工生於才達生於明二者還相為用而後詩道備矣余嘗執斯評為公是且衡而度之誠懸乎心默揣群

才鈞鍊尋尺隨限而盡如是所閱者百態一旦得董

余嘗執斯評為公是且衡而度之誠懸乎心默揣群

才鈞銖尋尺隨限而盡如是所閱者百態一旦得董
生之詞杳如搏翠屏浮層瀾視聽所遇非風塵間物
亦猶明金絳羽得于遐裔雖欲勿寶可乎生名挺字
庶中幼嗜屬詩晚而不衰心源為鑪筆端為炭鍛鍊
元本雕鑿群形糾紛舛錯逐意奔走因故汨濁恣為
新聲嘗所與游皆青雲之士聞名如盧杜盧貞外象
杜貞外甫
高韵如包李包祭酒信
李侍郎舒迭以章句揚於當時末路寡
徒值余歡甚因相謂曰間身以廷尉屬為荊州從事
移疾罷去幽卧於武陵迨今四年言未信於世道不
施於人寓其性懷播為吟詠時復發笥紛然盈前凡

中山集

出

卷十九

五十篇因地為目。我子常號知我，蓋表而志之。為生
羽翼，余不得讓而著于篇。因系之曰：詩者其文章之
蘊邪？義得而言，喪故微而難能。境生於象外，故精而
寡和。十里之繆，不容秋毫。非有的然之姿，可使戶曉。
必俟知者，然後鼓行於時。自建安距永明已還，詞人
比肩，唱和相發。有以朔風零雨，高視天下，蟬噪鳥鳴，
蔚在史策。國朝因之，粲然復興。由篇章以躋貴仕者，
相踵而起。兵興已還，右武尚功，公卿大夫以憂濟為
任，不暇噐人於文什之間。故其風寢息，樂府協律不
能足。去聲新詞以度曲，夜諷之職，寂寥無紀。則董生

之貧卧于裔土也。其不得於時者歎，其不試故執者

之貧卧于裔土也其不得於時者歟其不試故藝者歟

澈上人文集紀

官

釋子工為詩尚矣休上人賦別怨約法師哭范尚書
咸為當時才士之所傾歎厥後比上有之人生於
會稽本湯氏子聰察嗜學不肯為凡夫因辭父兄出
家號靈澈字源澄雖受經論一心好篇章從越客嚴
維學為詩遂籍七有聞去聲維卒乃抵吳興與長老詩
僧皎然游講執益至皎然以書薦于詞人包侍郎信
包得之大喜又以書致于李侍郎紆是時以文章風


卷十九

韻主盟於世者曰包李以是上人之名由二公而颺
如雲得風柯葉張王以文章接才子以禪理說高人
風儀甚雅談笑多味貞元中西遊京師名振輦下緇
流疾之造飛語激動中貴人因侵誣得罪徙汀州會
赦歸東越時吳楚間諸侯多賓禮招延之元和十一
年終於宣州開元寺七十有一門人遷之建塔於越
之山陰天柱峯之陲從本教也初上人在吳興居何
山與畫公為侶皎然字畫
時以字行時予方以兩髦執筆硯陪
其吟詠皆曰孺子可教後相遇于京洛與支許之契
焉上人沒後十七年予為吳郡其門人秀峯捧先師

焉上人沒後十七年予為吳郡其門人秀峯樺先師

之文來乞詞以志且曰師嘗在吳賦詩僅二千首今
刪取三百篇勒為十卷自大曆至元和凡五十年間
接詞客聞人酬唱別為十卷今也思行乎昭世求一
言羽翼之因為評曰世之言詩僧多出江左靈一導
其源護國襲之清江揚其波法振沿之如么弦孤韻
瞥入人耳非大樂之音獨吳興晝公能備衆體晝公
後澈公承之至如芙蓉園新寺詩云徑來白馬寺僧
到赤烏年謫汀州云青蠅為吊客黃耳寄家書可謂
入作者閩域豈獨雄於詩僧間邪

卷十九



浙江圖書館

劉賓客文集卷第二十

劉賓客文集卷第二十

傷我馬詞

口兵戒

猶子蔚適越戒

館觀博

觀市

論書

劉氏集略說

書
名子說

奏記丞相府論學事

圖
澤官詩

魏生兵要述

法
救沈志

傷我馬詞

馬龍類盖健而善馳君子之所宜求為罍也故法求

於力或逸而喜駭法求於和或乾而易仆由德稱者

中山集

一



卷二十

鮮焉曩予知善馬之難遭也不求于肆而于其鄉一
旦果得陰山之阿獲略其形蕭々其鳴長顧遠視順
而能力顧其軀非騫然而備也雖士得以乘之始予
被皂衣于朝々之人多四二其壯以迭馭予無兼焉
水轍之淋漓淖途之汪洋結為确犖融為坳堂前有
僂輶後有濡裳我策垂空我鑣鑣方揚振鬣軒昂矯如
飛翔翹々其雄也非力而何烈火之具舉鉤膺之疊
舞一蹊千趾駢比齟齬侈者斯擠悍者斯怒我鞍如
山我轡如組弭毛容與宛若孤處靡々其柔也非慧和
而何前日予之獲謹于闕下背商顏趣昭立日中而

而何前日子之獲譴于闕下背商顏越昭立日中而

踰舍修門之南非騎所宜夷則沮洳高則嗽熾虎咆
空林戴闢荒馘風雨孤征簡書之威俾予弗顧我馬
爲依盾、其勞也非德而何予至武陵居沅水傍或
踰月未嘗跨馬以故莫得伸其所長跼踏顧望兮頓
其鎖韁飲齧日削兮精耗神傷寒慄騷兮瘁毛蒼
涼路聞躑躅兮逸氣騰驤翔雲深兮邊草遠意欲往
兮声不揚墮然似不得其所而死故其嗟也兼常初
立宗羈大宛而盡有名馬命典牧以時起居泊西幸
蜀徃、民間得其種而蕃焉故良毛色者率非中土
類也稽是毛物豈祖於宛歟漢之歌曰龍為友武陵

卷二十

有水曰龍泉遂歸骨于是川且弔之曰生于磧礪善
馳走萬里南來困立阜青菰寒菽非適口病聞北風
猶舉首金臺已平骨空朽投之龍淵從爾友

口兵戒

書

余讀蒙莊書曰兵莫慘於志莫邪為下缺然知志士
之傷夫生也它日讀遠祖中壘校尉書曰口者兵也
盡然知言之為兵又慘乎志因博考前載極其兩端
夫志兵之薄人激烈抗憤不過無從容於世耳口兵
之起其刑渥焉繇是知我祖之言為急作戒以書于
盤盂五月之傷藥之可平一言成病智不能明人或

盤于五五月之傷藥之可平一言成痾智不能明人或

罹兵道塗奔救投方效技思恐其後人或罹譖比肩
狐疑借有解紛毀輒隨之故曰舌端之孽慘乎楚鐵
夷竈誠謀執戈以驅掩人誠智折筭以詈賢者誨子
信其有旨發言之難伸舌猶爾辯為詐媒默為德基
玉櫝不啓焉能瑕疵孽麋深居孰謂可嗤戒哉我口
之啓爾心之門無為我兵當為我藩以慎為鍵以忍
為閤可以多食勿以多言

汪

猶子蔚適越戒

折

猶子蔚晨跪于席端曰臣幼承叔父訓始白萌至于
扶踈前日不自意有司以名污賢能書又不自意被

丞相府召為從事重競累媿懼貽叔父羞今當行乞
辭以為戒余曰若知彛器乎始乎斲輪因入規矩刻
中廉外楞然而有容者理臆質堅然後加密石焉風
戾日晡不副不聲五交反然後青黃之鳥獸之飾乎瑤
金貴在清廟其用也曩以養潔其藏也櫝以養光苟
措非其所一有毫髮之傷倨然與破甑為伍矣汝之
始成人猶器之作朴是宜力學為磨斷親賢為青黃
睦僚友為瑤金忠所奉為清廟盡敬以為曩慎微以
為櫝去怠以護傷在勤而行之耳設有人思被重霄
而挹顛氣病無階而升有力者揭層梯而倚泰山然

而一舉足而一高非獨揭梯者所能也凡大位未嘗

而一舉足而一高非獨揭梯者所能也凡大位未嘗
曠故世多貴人唯天爵并者乃可偉耳夫偉人之一
顧踰乎華章而一非亦慘乎黜刑行矣慎諸吾見垂
天之雲在爾肩腋間矣昔我友柳儀曹嘗謂吾文儻
而膏味無窮而炙愈出也遲汝到丞相府居一二日
褒吾文入謁以取質焉丞相我友也汝事所從如事
諸父借有不如意推起敬之心以奉焉無忽

觀博

客有以博戲自任者速余觀焉初主人執握槊之器
寘于廡下曰主進者要約之既揖讓即次有博齒二

異乎古之齒其制用骨觚後四均錢以朱墨耦而合
 數取應期月視其轉止依以爭道是制也通行之久
 矣莫詳所祖以其用必投擲故以博投詔之是日客
 抵骨子局且祝之曰其來如趨其去如脫事先趨趨
 命中無蹉跌無從彼呼無矣我怕分曹道迫自朝至
 于日中稷吳也而率與所祝異焉客視骨如有情
 焉如或馮焉悉詈之不泄又從而齧齧蹂躪之莫顧
 其十日之咥讓也乃曰非予術之不工是朽器者不
 予昇也請刷恥于弈暴主人促命燭以續之驚神默
 計巧竭智匱主進者書勝負之數于牘視其所喪又

倍前籍為觀者曰以夫人之褊心亦將詬暴而抵枰

計巧竭智置主進者書勝負之數于牘視其所喪又

倍前籍焉觀者曰以夫人之褊心亦將詬棊而抵枰
矣既乃恬而不恤赧然有失鵠求身之色人咸異之
子劉子曰先人者制人博投是已從人制於人枯棊
是已二者豈有數存乎其間哉但處之勢異耳是知
當軸者易生嫌而退身者易為譽易生之嫌不足貶
也易為之譽不足多也在辨其所處而已

觀市

由命士已上不入於市周禮有焉乃今觀之盖有因
也元和二年沅南不雨自季春至于六月毛澤將盡
郡守有志于民誠信而雩遂徧山川方社又不雨遂

遷市于城門之遠余得自麗譙而俯焉肇下令之日
布市籍者咸至夾軌道而分次焉其左右前後班間
錯跼如在闌之制其列題區榜揭價名物參外夷之
貨馬牛有繹私屬有間在中筭者織文及素焉在几
閣者彫彤及質焉在筐筥者白黑巨細焉業于饗者
列饗饅陳餅餌而苾然業于酒者舉酒旗滌杯盃而
澤然鼓刀之人設膏俎解豕羊而赫然華實之毛畋
漁之生交蜚走錯水陸群狀夥名入隧而分韞箴而
待價者負挈而求沽者乘射其時者竒贏以遊者坐
賈顛顛行賈遑遑利心中驚貪目不瞬於是質劑之

賈顛顛行賈違違利心中驚為金貝目不瞬於是質劑之

曹較固之倫合彼此而騰躍之冒良苦之巧言斲量
衡於險手抄忽之差鼓舌僮倅詆欺相高詭態橫出
鼓囂譁空烟埃奮糴腥疊巾屨嚙而合之異致同歸
雞鳴而爭赴日中而駢闐萬足一心恐人我先交易
而退陽光西徂幅員不移徑術如初中無求隙地俱
唯守犬烏鳥樂得腐餘是日倚衡而閱之三感其盈
虛之相尋也速故著于篇云

論書

或問曰書足以記姓名而已工與拙何損益於數哉
答曰此誠有之蓋舉下之說爾非蹈中之說亦猶言

卷二十

居室曰避燥濕而已言衣裳曰適寒燠而已言飲食
曰充腹而已言車馬曰代勞而已言祿位曰代耕而
已今夫考居室必以閤門豐屋為美筭衣裳必以文
章道澤為甲評飲食必以精良海陸為貴第車馬必
以華輶絕足為高于祿位必以重侯累封為意是數
者皆不行舉下之說奚獨於書也行之邪禮曰士依
於德游於藝德者何曰至曰敏曰孝之謂藝者何禮
樂射御書數之謂是則藝居三德之後而士必游之
也書居數之上而六藝之一也語曰飽食終日無所
用心難矣哉不有博奕者乎為之猶賢乎已是則博

用心難矣哉不有博奕者乎為之猶賢乎已是則博

奕不得列於藝差愈於飽食無所用心耳吾觀今之
人適有面詆之曰子書居下品矣其人必消爾而笑
或誓然不屑詆之曰子握槩奕棊居下品矣其人必
赧然而媿或艱然而色是故敢以六藝斥人不敢以
六博斥人嗟乎衆尚之移人也問者曰然則彼魏晉
宋齊間亦嘗尚斯藝矣至有君臣爭名父子不讓何
哉荅曰吾始欲求中道耳子寧以尚之之弊規我欤
且夫信者美德也秦繆尚之而賢臣莫贖黃老者至
道也竇后尚之而儒臣見刑道德且不可尚矧由道
德以下者於所謂中道而言書者何處之文學之下

六博之上材鈞而善者得以加譽遇過一作鈞而善者得以議能所加在乎譽非實也不黷于賞所議在乎過非實也不紊于刑夫如是庶乎六書之學不堙墜而已乎

劉氏集略說

書 圖

子劉子曰五達之井百汲而盈科未必涼而甘所處之勢然也人之詞待扣而揚猶井之利汲耳始余為童兒居江湖間喜與屬詞者游謬以為可教視長者所行止必操觚從之及冠舉秀才一幸而中說有司惧不厭於衆亟以口譽之長安中多循空言以為誠

果有名字益與曹輩敗漁于書林宵語途話琴酒調

恨不厭於衆。亟以口譽之。長安中多循空言。以為誠

果有名字。益與曹輩。畋漁于書林。宵語途話。琴酒調
謔。一出於文章。俄被召為記室參軍。會出師淮上。恒
磨墨於楯鼻。或寢止群書中。居一二歲。由旬服升諸
朝。兄三進班。而所掌猶外府。或官課。或為人所倩。昌
言奏記。移讓告諭。真神志。葵成猥并焉。又謫于沅湘
間。為江山風物之所蕩。往往指事成歌詩。或讀書有
所感。輒立評議。窮愁著書。古儒者之大同。非高冠長
劍之比耳。前年蒙恩。澤授以郡符。居海壖。各告雨。慝作
適晴。喜躬曬書于庭。得已書四十通。迨爾自哂。曰道
不加益焉。用是空文為真。可供醬蒙。藥楮耳。它日子

卷二十

壻博陵崔生闕言曰某也鄉游京師偉人多問丈人
新書幾何且欲取去而某應曰無有輒媿起於顏間
今當復西期有以弭媿者繇是剛取四之一為集略
以貽此郎非敢行乎遠也書

名子說



魏司空王祖名子制誼咸得立身之要前史是之然
則書紳銘器孰若發言必稱之乎今余名爾長子曰
咸允字信臣次曰同虞字敬臣欲爾於人無賢愚於
事無小大成推以信同施以敬俾物從而衆說其庶
幾乎夫忠孝之於人如食與衣不可斯須離也豈俟

幾乎夫忠孝之於人如食與衣不可斯須離也豈俟

余勗執仁義道德非訓所及可勉而企者故存乎名
夫朋友字之非我職也顧名旨所在遂從而釋之孝
始於親終於事君偕曰臣知終也

奏記丞相府論學事

十一月七日使持節都督夔州諸軍事夔州刺史劉
某謹奏記相公閣下堙凡今能言者皆謂天下少士而
不知養材之道鬱煙而不揚非天不生材也亦猶不
耕者不歎廩庾之無餘非地不產百穀也伏以貞觀
中增築學舍千二百區生徒三千餘人時外夷上疏
請遣子弟入附于三雖者五國雖菁者莪育材之

道不足比也今之膠庠不聞弦歌而室廬圯廢生徒
衰少非學官不欲振學也病無貲財以給其用鰥生
今有一見使大學立富幸遇相公在位可以索言之
禮云凡學官春釋奠于其先師斯禮止于辟廱類宮
非及天下也今四海郡縣咸以春秋上丁有事孔子
廟其禮不應於古且非孔子意也炎漢初定群臣皆
起屠販為公卿故孝惠高后之間置原廟於郡國逮
孝元時帝立成以碩儒為丞相遂建議罷之夫以子
孫尚不敢違禮以饗其祖況後學師先聖之道而首
違之乎祭義曰祭不欲數語云祭神如神在與其煩

於舊饗孰若行其教道今夫子之教日頽靡而以非
禮之祀媚之斯儒者所宜憤排也竊觀歷代無有是
事皇家武德二年詔於國學立周公孔子廟四時致
祭貞觀十一年又詔修宣尼廟於兗州至二十年許
敬宗等奏乃遣天下諸州縣置三獻官其他如方社
敬宗非通儒不能稽典祇開元中玄宗饗孝與儒臣
議繇是發德音其罷郡縣釋奠牲牢唯酒脯以薦後
數年定令時王孫林甫為宰相不涉學委御史中丞
王敬從刊之敬從非文儒遂以明衣牲牢編在孝令
是首先於敬宗而終失於林甫習以為常罕有敢非

之者謹按本州四縣一歲釋奠物之直緡錢十六萬
有奇奉天下之郡縣當千七百不啻^受羈縻者不在數
中凡歲中所出於經費過四千萬適資三獻官飾衣
裳飴妻子而已於尚孝之道無有補焉前日詔書許
列郡守臣得以上言便事今謹條奏某乞下禮官博
士詳議典制罷天下縣邑牲牢衣幣如有生徒春秋
依開元敕旨用酒醴暇修膳脯榛栗示敬其事而州
府許如故儀然後籍其資半附益所隸州使增孝校
其半率歸國庠猶不下萬計築孝室具器用豐簞食
增掌固以備使令凡儒官各加稍食其紙筆鈔黃視

增掌固以備使令凡儒官各加稍食其紙筆鈔黃視

所出州率令折入學徒既備明經日課繕書若干紙
進士命讐校亦如之則貞觀之風粲然不殊其它郡
國皆立程督投綬懷璽棫樸華；良可詠矣伏惟相
公發迹咸自諸生其尊素王之道儀形四方宜在今
日是以小生敢沿故事以奏記于左右姑舉其大較
至於證據纖悉條奏具之章下之日乞留神省察不
勝大願惶恐拜手稽首

澤宮詩

澤宮送士歲貢也晉昌唐如晦以信誼為良弓文學
為最矢規爵祿猶衆禽密毅持滿逝風蜚傲者數矣

中山集

十一

卷二十

有措楛之妙而無雙鷓之獲
 聶方收視歸究其術縣
 是跡愈屈而名愈聞君子益多之彼不由其術一幸
 而中者雖懸貊在廷君子未嘗多也歲殫矣告予以
 西余為賦澤宮一章庶見子之方弗再張也已秩秩
 澤宮有的維鷓初庶士于以干祿彼鷓斯微若止
 若翔千里之差起于毫芒我夫既直我子既良依于
 高墉因我不減高墉伊何維器與時視之以心誰謂
 鷓微

魏生兵要述

余為書殿學士四年所與居皆鴻生彥士一旦詔下

懷吳郡章而東門下生咸惜是行且曰吳中富士必

余為書殿學士四年所與居皆鴻生慶士一旦詔下

懷吳郡章而東門下生成惜是行且曰吳中富士必有知書宜為太守所禮者及下車閱客籍森然三千有鉅鹿魏生持所著書來謁曰不佞始讀書為文章凡二十年在貢士中孤鳴甚哀卒無善聽者退而收視易慮伏北窻下考前言成兵要十編度諸侯未遑是事將笑而西求一言以生羽翼子取書觀之始自黃帝伏虫尤至于隋氏乎江南語春秋戰國事最備磅礴下上數千年間其擴摭評議無遺策用是以手握兵符貴人宜有虛己而樂聞者子盍行乎吾知元侯上舍不獨善雞鳴彈長鈇三五九七之伎顯之而

救沈志

貞元季年夏大水熊武五溪官鬪決于沅突舊防毀民
家躋高望之溟滓葩華山腹為坻林端如莎湍道駛
悍不風而怒崩疑前逼浸洛旁掩柔者靡之固者脫
之規者旋環之矩者倒顛之輕而泛浮者碾礪之重
而高大者前卻之生者力音殪者弛形蔽流而東若
木杪然有憎愀焉誓於路曰浮圖之慈悲救生最大
能援彼於溺我當為魁里中兒願從四三輩皆狎川
勇游者相與乘堅舟挾善器維以修紒棹于崇丘水

當洄泐人易冥力疑臚執用俟可而拯大凡室處之
類穴居之彙在牧之群在豢之馴上羅黔首下逮毛
物投乎洪濶致諸生地者數十百焉適有摯獸如鷓
夷而前攫持流柝首用不陷隅目傍睨其姿弭然甚
如六擾之附人者其徒將取焉僧趣音促訶之曰第無
濟是為目之可里所而不能有所持矣舟中之人曰
吾聞浮圖之數貴空、生善、生慈不求報施之謂
空不擇善惡之謂普不送困窮之謂慈、歟也生必救
而今也窮見廢無乃計善惡而忘普與慈乎僧曰甚
矣問之迷且妄也我之教惡乎無善惡哉六塵者在

卷二十

身之不善也佛以賤視之末伽聲聞者在彼之未寤也佛以邪目之惡乎無善惡邪我鼻也所援而出死地者衆矣形乾氣還各復本狀蹄者躑躅然羽者翹蕭然而言者譏然隨其所之吾不尸其施也不德吾則已烏能害為被形之乾髣髴之姿也彼氣之還暴恃之用也心足反噬而齒甘最靈是必由我屬矣庸能躑躅譏之之比歟夫虎之不可使知恩猶人之不可使為虎也非吾自遺患焉爾且將貽患于衆多我罪大矣子劉子曰余聞善人在患不救不祥惡人在位不去亦不祥僧之言遠矣故志之

卷第二十

在位不去亦不祥僧之言遠矣故志之
卷第二十

劉賓客文集卷第二十一

雜興三十一首

學院公體三首

館

少年負志氣，信道不從時。
只言繩自直，安知室可欺。
百勝難慮敵，三折乃良醫。
人生不失意，焉能慕已。
知朔風悲老驥，秋霜動鷺禽。
出門有遠道，平野多層陰。
滅沒馳絕塞，振迅拂華林。
不因感哀節，安能激壯心。
昔賢多使氣，憂國不謀身。
目覽千載事，心交上古人。
侯門有仁義，靈臺多苦辛。
不學腰如磬，徒使甑生塵。

偶作二首

中山集



終朝對尊酒嗜興非嗜甘終日偶眾人縱言不縱談
世情間盡見藥性病多諳寄謝祕中散予無甚不堪
萬卷堆牀書學者識其真萬里長江水征夫度要津
養生非但藥悟佛不因人燕石何須辨逢時即至珍

古調二首

諷古作

圖

軒后初冠冕前旒為蔽明安知從複道然後見人情
簿領乃俗士清談信古風吾現蘇令綽朱墨一何工

寓興二首

浙

常談即至理安事非常情寄語何平叔無為輕老生
世途多禮數鵬鷗各逍遙何事陶彭澤拋官為折腰

昏鏡詞 并引

鏡之工列十鏡于賈區發奩而視其一皎如其九霧
如或曰良苦之不侔甚矣工解頥謝曰非不能盡良
也蓋賈之意唯售是念今來市者必歷鑒周睠求與
已宜彼皎者不能隱芒杪之瑕非美容不合是用什
一其數也予感之作昏鏡詞

昏鏡非美金漠然喪其晶陋容多自欺謂若他鏡明
瑕疵既不見妍態隨意生一日四五照自言美傾城
沛帶以紋繡裝匣以瓊瑛秦宮豈不重非適乃為輕

養鷲詞 并引

途逢少年志在逐絕方呼鷹隼以襲飛走因縱觀之

卒無所獲行人有常從事於斯者曰夫鷲禽饑則為

用今哺之過篤故然也予感之作養鷲詞

養鷲非玩形所資擊鮮力少年昧其理日月哺不息

探離網黃口且莫有餘食寧知下韝時翅重飛不得

毳毼止林表狡兔自南北飲啄既已盈安能勞羽翼

武夫詞并引

有武夫過說余以從軍之樂翌日質于通武之善經

者則曰果有樂也夫威恣而賞勞則樂用威雌而賞

武則樂橫去聲顧其樂安出耳予惕然作是詞

武夫何洗... 衣紫繫絳裳借問胡為爾列校在鷹揚

越則樂橫去聲願其樂安出耳予惕然作是詞

武夫何洗，衣紫襲絳裳，借問胡為爾，列校在鷹揚。
依倚將軍勢，交結少年場，探丸害公吏，袖刃妒名倡。
家產既不事，願丐自生光，酣歌高樓上，袒裼大道傍。
昔為編戶人，秉耒甘哺糠，今來從軍樂，躍馬飲持梁。
猶思風塵起，無種取侯生。

賈客詞并引



五方之賈以財相雄，而益賈尤熾。或曰：賈雄則農傷，
予感之作是詞。

賈客無定遊，所遊唯利并。眩俗雜良苦，乘時取重輕。
心計析秋毫，捶鉤侷懸衡。錐力既無棄，轉化日已盈。

徼福禱波神施財遊化城專約雕金釧女垂貫珠纓
高貨比封君奇貨通倖卿趨時鷲鳥思歲鏹盤龍形
大艣浮通川高樓次旗亭行止皆有樂閔梁自無征
農夫何為者辛苦事寒耕書

調瑟詞并引



里有富豪翁厚自奉養而嚴督減獲力屈形削然猶
役之無藝極一旦不堪命亡者過半追亡者亦不來
復翁頽沮而追昨非之莫及也予感之作調瑟詞
調瑟在張弦、平音自足朱絲二十五闕一不成曲
美人愛高張瑤軫再三促上弦雖獨響下應不相屬

日莫聲未和寂寥一枯木却願膝上弦流淚難相續

美人愛高張。瑤軫再三促。上弦雖獨響。下應不相屬。

日莫聲未和。寂寥一枯木。却願膝上弦。流淚難相續。

讀張曲江集作并引

世稱張曲江為相。建言放臣不宜與善地。多徙五溪不毛之鄉。及今讀其文。自內職牧始。安有瘡癩之歎。自退相守荆門。有拘囚之思。託諷禽鳥。寄詞草樹。鬱然與騷人同風。嗟夫。身出於遐陬。一失意而不能堪。矧華人士族。而必致醜地。然後快意哉。議者以曲江為良臣。識胡雛有反相。羞凡器與同列。密啓廷爭。雖古哲人不及。而燕翼無似。終為餒魂。豈忮心失恕。陰誦最大。雖二美莫贖。邛不然。何袁公一言明楚獄。而

中山集

二十一

鍾社四葉以是相較神可誣乎予讀其文因為詩以
弔

聖言貴忠恕至道重規身法官在何所恨色傷斯為仁
良時難久恃陰謫豈無因寂寞韶陽廟魂歸不見人

庭梅詠寄人



蚤花常犯寒繁實常苦酸何事上春日坐令芳意闌
天桃定相笑遊妓肯回看君問調金鼎方知正味難

詠古二首有所寄

車音想鞞不見棊下塵可憐平陽第歌舞嬌青春
金屋容色在文園詞賦新一朝復得幸應知失意人

寂々照鏡臺遺基古南陽真人昔來遊翠鳳相隨翔

金屋容色在文園詞賦新一朝復得幸應知失意人

寂々照鏡臺遺基古南陽真人昔來遊翠鳳相隨翔
目成在桑野志遂貯椒房豈無三千女初心不可忘

詠史二首

館

驃騎非無勢少卿終不去世道劇顏波我心如砥柱
賈生明王道衛綰工車戲同遇漢文時何人居貴位

苦雨行

圖

悠々飛走情同樂在陽和歲中三百日常恐風雨多
天人信遐遠時節易蹉跎洞房有明燭無乃酣且歌

萋兮吟

天涯浮雲生爭蔽日月光窮巷秋風起先摧蘭蕙芳

中山集

二

萬貨列旗亭恣心注明璫名高毀所集言巧智難防
勿謂行大道斯須成太行莫吟萋兮什徒使君子傷

經檀道濟故壘館

萬里長城壞荒營野草秋秣陵多士女猶唱白符鳩

史云當時人歌曰可憐
白符鳩枉殺檀江州

題歌器圖

圖

秦國功成思稅駕晉臣名遂歎危機無因上蔡牽黃
犬願作丹徒一布衣

浙

聚蚊謠

沈々夏夜閑堂開飛蚊伺暗声如雷嘈然歛起初駭

聽殷殷若自南山來喧騰鼓舞喜昏黑昧者不分聰

沈、夏夜開堂開飛蚊伺暗聲如雷嘈然歛起初駭
聽殷殷若自南山來喧騰鼓舞喜昏黑昧者不分聰
者惑露花滴瀝月上天利甯迎人看不得我軀七尺
爾如芒我孤爾衆能我傷天生有時不可遏為爾設
幄潛匡林清商一來秋日曉羞爾微形飼丹鳥

百舌吟

曉星寥落春雲低初聞百舌間關啼花樹滿空迷處
所搖動繁英墜紅雨笙簧百轉音韻多黃鸝吞聲燕
無語東方朝日遲遲升迎風弄景如自矜數聲不盡
又飛去何許相逢綠楊路繚纒宛轉似娛人一心百
舌何紛紛酡顏俠少停歌聽墜珥妖姬和睡聞可憐

光景何時盡誰能低回避鷹隼廷尉張羅自不關潘
郎挾彈無情損天生羽族爾何微舌端萬變乘春輝
南方朱鳥一朝見索漠無言蒿下飛

飛鳶操

書

鳶飛杳杳青雲裏鳶鳴蕭蕭風四起旗尾飄揚勢漸
高箭頭若劃聲相似長空悠悠霽日懸六翮不動凝
飛烟遊鷗朔鴈出其下慶雲清景相回旋忽聞饑鳥
一噪聚瞥下雲中爭腐鼠騰音礪吻相喧呼仰天大
嚇疑鴛雛畏人避犬投高處俛吻無聲猶屢顧青鳥
自愛玉山禾仙禽徒貴華亭露櫟棟危巢向莫時毳

吻文粹作喙

起飽腹蹲枯枝遊童挾彈一麾肘臆碎羽分人不悲

自愛玉山禾仙禽徒貴華亭露標棟危巢向莫時絕

魁飽腹蹲枯枝遊童挾彈一麾肘臆碎羽分人不悲
天生眾禽各有類威鳳文章在仁義鷹隼儀形蝼蟻
心雖能戾天何足貴

館

秋螢引

漢陵秦苑遥蒼，陳根腐葉秋螢光
夜空寂寥金氣淨千門九陌飛悠揚
紛綸暉映互明滅金鑪星噴鎧
花發露華洗濯清風吹攢昂不定
招搖垂高麗果恩過珠網斜歷璇
題舞羅幌暴衣樓上拂香帟承露臺
前轉仙掌槐市諸生夜對書北窓
分明辨魯魚行子東山起征思
中郎騎省悲秋氣銅雀人歸自入簾長

中山集

門帳開來照淚誰言向晦常自明童兒走步嬌女爭
天生有光非自術遠近低昂暗中見撮蚊妖鳥亦夜
飛翅如車輪人不見

華山謠

書

洪鈞作高山元氣鼓其橐俄然神功就峻拔在寥廓
靈蹤露指爪殺氣見稜角凡木不敢生神仙聿來託
天資帝王宅以我為閉鑰能令下國人一見換神骨
高山固無限如此方為嶽丈夫無特達雖貴猶碌

摩鏡篇

流塵翳明鏡歲久看如漆門前負局生為我一摩拂

萍開綠池滿暈盡金波溢白日照空心圓光走出室


流塵翳明鏡歲久看如漆門前負局生為我一摩拂
萍開綠池滿暈盡金波溢白日照空心圓光走幽室
山神祇氣沮野魅真形出却思未摩時瓦礫來唐突

有獺吟

館

有獺得嘉魚自謂天見憐先祭不敢食捧鱗望清玄
人立寒沙上心專脰肩、漁翁以為妖舉塊投其前
呼兒貫魚歸與獺同烹煎閩人黃金鶚大翅搖江烟
下見盈尋魚投身擘洪漣攫孥隱嶙去哺雛林岳巔
鷓鴣欲伺隙遙噪莫敢前長居青雲路彈射無由緣
何地無江湖何水無鮪鱸天意不宰割菲祭徒虔虔
空餘知禮重載在淹中偏

中山集



浙江圖書館

劉賓客文集卷第二十二

劉賓客文集卷第二十二

五言今体三十首

春日退朝

館



紫陌夜來雨南山朝下看
戟枝迎日動閣影助松寒
瑞氣卷綃縠遊光泛波瀾
御溝新柳色處一拂歸鞍

經東都安國觀九仙公主舊院作

仙院御溝東今來事不同
門開青草日樓閉綠楊風
將大昇天路披霓赴月宮
武皇曾駐驛馬親問主人翁

蜀先主廟

漢末謠黃牛白腹五銖當復

天下英雄氣千秋尚凜然
勢分三足鼎業復五銖錢

得相能開國生兒不象賢
淒涼蜀故妓來舞魏宮前

觀八陳圖

軒皇傳上略蜀相運神機
水落龍蛇出沙平鵝鶴飛
波濤無動勢鱗介避餘威
會有知兵者臨流指是非

八月十五日夜玩月

天將今夜月一遍洗寰瀛
暑退九霄淨秋澄萬景清
星辰讓光彩風露發晶英
能變人間世偷然是玉京

許給事見示哭工部劉尚書詩因命同作

漢室賢王後從叔望在河間孔門高第人
濟時成國器樂道

任天真特達圭無玷
堅貞竹有筠總戎寬得衆市義

貴能貧護塞無南牧馳心拱北辰乞身來闕下賜告

任天真特達去無玷堅貞竹有筠總戎寬得衆市義

貴能貧護塞無南牧馳心拱北辰乞身來闕下賜告

卧漳濱榮耀初題劍清羸已抱紳宮星徒列位隙日

不回輪自昔追飛侶今為侍從臣素弦哀已絕青簡

歎猶新未遂揮金樂空悲撒瑟晨淒涼竹林下無復

見清塵從叔自謂北節度以疾歸朝
比反拜尚書竟不克中謝

奉和中書崔舍人八月十五日夜玩月二

十韵

莫景中秋爽陰靈既望圓騰精浮碧海分照接虞淵

迥見孤輪出高從倚盡旋二儀含皎澈萬象共澄鮮

整御當西陸舒光麗上玄從星變風雨順日助陶甄

中山集

遠近同時望晶熒此夜偏運行調王燭潔白應金天
曲沼疑瑤鏡通衢若象筵逢人盡冰雪遇境即神仙
引素吞銀漢凝清洗綠烟鼻禽警露下鄰杵思風前
水是還珠浦山成種玉田劔沈三尺影鐙罷九枝然
象外行無迹寰中影有遷稍當雲闕正未映斗城懸
靜對揮宸翰閑臨襲彩牋境同牛渚上宿在鳳池邊
興掩尋安道詞滕命仲宣從今終貴後不復詠陳篇

奉和淮南李相公蚤秋即事寄成都武相

八柱共承天東西別隱然遠夷爭慕化真相故臨邊
並進夔龍位仍齊龜雀年相公詩有齊年同心丹已

濟造膝壁常駐對領真征寄是持造物權斗牛添氣

並進夔龍位仍齊龜窟年相公詩有齊年同心丹已

濟造膝璧常聯對領專征寄遥持造物權斗牛添氣

色井絡靜氛烟獻可通三略分甘出萬錢漢南趨節

制趙北賜山川玉帳觀渝舞虹旌獵楚田步嫌双綬

重夢入九城偏秋與離情動詩從樂府傳聆音還竊

抃不覺撫么弦李中書自揚州見

元和癸巳歲仲秋詔發江陵偏師問罪蠻

徵後命宣慰釋兵歸降凱旋之辰率爾成

詠寄荆南嚴司空

蠻水阻朝宗兵符下渚宮前籌得上策無戰已成功

漢使星飛入夷心草偃同歡謠開竹棧拜舞擲桑弓

中山集

就日知冰釋投人念鳥窮網羅三面解章奏九門通
弁服聯操袂雕題盡鞠躬降幡秋練白驛騎晝塵紅
火號休傳警機橋罷亘空登山不見虜振旆自生風
江遠煙波靜軍回氣色雄佇看聞喜後金石賜元戎

武陵書懷五十韵

并引

按天官書武陵當翼軫之分其在春秋及戰國時皆
楚地後為秦惠王所并置黔中郡漢興更名曰武陵
東徙于今治所常林義陵記云初項籍殺義帝于郴
武陵人曰天下憐楚而興今吾王何罪乃見殺郡民
縞素哭于招屈亭高祖聞而義之故亦曰義陵今郡

城東南亭舍其所也晉宋齊梁間皆以分王子弟事

城東南亭舍其所也晉宋齊梁間皆以分王子弟事
存于其書永貞元年余始以尚書外郎出補連山守
道貶為是郡司馬至則以方志所載而質諸其人民
顧山川風物皆騷人所賦乃具所聞見而成是詩因
自述其出處之所以然故用書懷為目云

西漢開支郡南朝號威藩四封當列宿百雉俯清沅
高岸朝霞合驚湍激箭奔積陰春暗度將霽霧先昏
俗尚東皇祀誼傳義帝冤桃花迷隱迹棟葉慰忠魂
戶筭資漁獵鄉豪恃子孫照山畚火動躡月俚歌喧
擁檝舟為市連薨竹覆行披沙金粟見拾羽翠翹翻

茗拆滄溪秀類生枉渚暄滄溪茶為邑人所重枉渚近在郭東禽驚格

磔起魚戲噏喙繁按本草經曰鷓鴣聲是也沈約臺榭故

李衡墟落存隱侯臺木在相靈悲鼓瑟泉客泣酬恩露

變蒹葭浦星懸橘柚村虎咆空野震鼉作滿川渾隣

里皆遷客兒童習左言炎天無冽井霜月見芳蓀清

白家傳遺詩書志所敦列科叨甲乙從宦出兵樊結

友心多契馳聲氣尚吞士安曾重賦元禮許登門草

檄嫖姚幕巡兵戌已屯築臺先自隗送客獨留髡遂

結王畿綬來觀衢室尊鳶飛入鷹隼魚目儼璵璠曉

燭羅馳道朝陽關帝閣王正會夷夏月朔盛旗幟獨

立當瑤閣傳訶步紫垣按章清軒嶽視祭潔蘋蘩御

燭羅馳道朝陽關帝閣王正會夷夏月朔盛旗幟獨

立當瑤闕傳訶步紫垣按章清犴獄視祭潔蘋蘩御

曆昌期遠傳家寶祚蕃繇文光夏啓神教畏軒轅內

禪因天性膺圖授化元繼明懸日月出震統乾坤大

孝三朝備洪恩九族博百川宗渤澥五岳輔崑崙何

幸逢休運微班識至尊校緡資莞權復土奉山園以時

本官判度支鹽鉄一失貴人意徒聞大學論直廬辭

等兼崇陵使判官錦帳遠守愧朱韜巢幕方猶燕搶榆尚笑鯢遭回過

荆郢流落感涼温旅望花無色愁心醉不憖春江千

里草莫雨一声猿問卜安冥數看方理病源帶賒衣

改製塵澀劍成痕三秀蕊中散二毛傷虎賁來憂禦

中山集

五

魑魅歸願牧雞豚就日秦京遠臨風楚奏煩南登無
灞岸旦夕上高原

經伏波神祠

館

蒙、篁竹下有路上壺頭漢壘麇龍關蠻溪霧雨愁
懷人敬遺像閱世指東流自負霸王略安知恩澤侯
鄉園辟石柱筋力盡炎洲一以功名累翻思馬少遊

聞董評事疾因以書贈

董生奉
內典

繁露傳家學青蓮譯梵書火風率四大文字廢三餘
歌枕晝眠晚折中秋鬢疎武皇思視草誰許茂陵居

贈澧州高大夫司馬霞寓

前年收錦城馬蹋血泥行千里追戎首三軍許勇名

前年收錦城馬躡血泥行千里追戎首三軍許勇名
殘兵疑雀啖空壘羈鳥聲一誤雲中級南游湘水清

宿誠禪師山房題贈二首

宴坐白雲端清江直下看來人望金刹講席繞香壇
虎嘯夜林動鼉鳴秋澗寒衆音徒起滅心在淨中觀
不出孤峰上人間四十秋視身如傳舍閱世甚東流
法為因緣立心從次第修中霄問真偈有住是吾憂

晚泊牛渚

蘆葦晚風起秋江鱗甲生殘霞忽改色遊雁有餘聲
戍鼓音響絕漁家鐙火明無人能詠史獨自月中行

罷郡歸洛陽閑居

十年江外守旦夕有歸心
及此西還日空成東武吟
花間數琰酒月下一張琴
聞說功名事依前惜寸陰

城東閑遊

書

借問池臺主多居要路津
千金買絕境永日屬閑人
竹筵縈紆入花林委曲巡
斜陽衆客散空鎖一園春

罷郡歸洛陽寄友人

遠謫年猶少初歸鬢已衰
門閑故吏去室靜老僧期
不見蜘蛛集頗為倭句欺
頽微囊未出寒甚谷難吹
漢落唯心在平生有已知
高歌夜深後聽者竟為誰

漢落唯心在平生有已知商歌夜深後聽者竟為誰

陝州河亭陪常五大夫雪後眺望因以留
別與常有布衣之舊一別二紀經遷貶而

歸館

雪霽大陽津城地表裏春河流添馬類原色動龍鱗
萬里獨歸客一楮逢故人因高向西望關路正飛塵

途中登發

圖

中庭望啓明促事晨征寒樹鳥初動霜橋人未行
水流白煙起日上彩霞生隱士應高枕無人問姓名

初至長安時自外郡再授郎官

左遷凡二紀重見帝城春老大歸朝客平安出嶺人

中山集

七

每行經舊處却想似前身不改南山色其餘事，新

大和戊申歲大有年詔賜百寮出城觀秋

稼謹書盛事以俟采詩者

長安銅雀鳴秋稼與雲平玉燭調寒暑金風報順成

川原呈上瑞恩澤賜閑行欲及重城掩猶聞歌吹聲

蚤秋集賢院即事時為學士

金數已三伏火星正西流樹含秋露曉閣倚碧天秋

灰瑄應新律銅壺添夜籌商飈從朔塞爽氣入神州

蕙草香書殿槐花點御溝山明真色見水淨濁煙收

蚤歲忝華省再來成白頭幸依群王府有路向瀛洲

金陵懷古

潮滿冶城渚日斜征虜亭
蔡洲新草綠幕府舊烟青
興廢由人事山川空地
形後庭花一曲幽怨不堪聽

晝居池上亭獨吟

日午樹陰正獨吟池上亭
靜看蜂教誨閑想雀儀形
法酒調神氣清琴入性
靈浩然機已息几杖復何銘
分司東都蒙襄陽李司徒相公書問因以

奉寄

蚤忝金馬客晚為商洛翁知名四海內
多病一生中舉世徃還盡何人心事同
幾時登峴首特舊揖三公

奉和吏部楊尚書太常李卿二相公策免

後即事述懷贈答十韻

文雅閑西族衣冠趙北都有聲真漢相無類隋珠

當軸龍為友臨池鳳不孤九天開內殿百辟看晨趨

誠滿澄歌器成功別大鑪餘芳在公論積慶是神扶

步武離台席徊翔集帝梧銓材秉秦鏡典樂去齊字竿

蕭洒風塵外逢迎詩酒徒唯應待華皓更食萬錢厨

門下相公榮加冊命天下同歡忝沐眷私

輒敢申賀

用命出宸衷官儀自古崇特膺平土拜光贊格天功


再佩扶陽印常乘鮑氏驄七賢遺老在猶得詠清風

冊命出宸衷官儀自古崇特膺平土拜光贊格天功

再佩扶陽印常乘鮑氏驄七賢遺老在猶得詠清風
病中一二禪客見問因以謝之

勞動諸賢者同來問病夫添鑪擣雞舌洒水淨龍鬚
身是芭蕉喻行須却竹扶醫王有妙藥能乞一九無

浙江圖



浙江圖書館

劉賓客文集卷第二十三

古調十六首

登司馬錯故城

秦昭王命錯
蠻城在武陵沅江南



將軍將秦師西南奠遐服故壘清江上蒼煙晦喬木

登臨值蕭辰周覽壯前躅塹平陳葉滿墉高秋蔓綠

發井抽寒菜毀臺生穉穀耕人得古器宿雨多遺鏃

楚塞鬱重疊蠻溪紛詰曲留此數仞基幾人傷遠目

卧病聞常山旋師策勲省過王澤大洽因

寄李六侍御

寂寂重寂、病夫卧秋齋夜蟲思幽壁槁葉鳴空階

中山集

南國異氣候火旻尚昏霾瘴烟跼飛羽冷氣傷百骸
 昨聞凱歌旋飲至酒如淮無戰陋丹水垂仁經藁街
 清廟既策勲圓丘俟燔柴車書一以混幽遠靡不懷
 逐客顛顛久故鄉雲雨乖禽魚各有化予欲問齊諧

謁枉山會禪師



我本山東人平生多感槩弱冠遊咸京上書金馬外
 結交當世賢馳声溢四塞勉修貴及蚤狃捷不知退
 錙銖揚芬馨尋尺招瑕類淹留郢南鄙摧積羽翰碎
 安能咎往事且欲去沈痾吾師得真如自在人寰內
 哀我墮名網有如翮飛葦瞳瞳揭智炬照使出昏昧

靜見玄關啓歆然初心會夙尚一何微今得信可大

靜見玄關啓歆然初心會夙尚一何微今得信可大
覺路明證入便門通懺悔悟理言自忘處屯道猶春
色身豈吾寶慧性非形礙思此靈山期未來何年載

善卷壇下作

在山在枉

先生見堯心相與去九有斯民既已治我得安林藪
道為自然貴名是無窮壽瑞壇在此山識者常回首

武陵觀火詩

注

楚鄉祝融分災火常為虞是時直突烟發自晨炊徒
育風扇其威白晝曠陽烏操綆不暇汲循墻寧避踰
怒如列缺光迅與勢輪俱聯延掩四達赫奔成洪鑪

洵疑雲濤翻颯若鬼神趨當前迎焮艷是物同膏腴
金烏入梵天赤龍遊玄都騰烟透窻戶飛焰生欒櫨
火山摧半空星雨洒中衢瑤壇被霖漆寶樹攢珊瑚
花縣與琴焦旗亭無酒濡市人委百貨邑令遺双鳧
餘勢下隈隩長燦烘舳艫吹熒照水府次浪愁天吳
災罷雲日晚心驚視聽殊高仄辨廩度黑土連闔閭
衆燼合星羅遊氛鏢人膚厚地歲宿熱逞林呈驟枯
火德資生人庸可一日無御之失其道敲石彌天隅
晉庫走龍劍吳宮傷燕雛五行有沴氣先哲垂訐謨
宋鄭同日起時當賢大夫無苛自可樂弭患非所圖

賢守恤人瘼臨烟駐驪駒吊傷色慘怛嗒失詞幼愉

賢守恤人瘼臨烟駐馬驪駒弔傷色慘怛嗔失詞劬愉
下令蠲里布指期輕市租開垣適未立苦蓋自相娛
山木行翦伐江泥宜瑾塗魯臣不必葺何用徵越巫
崔元受少府自貶所還遺山薑花以詩之
故人博羅尉遺我山薑花彩從碧海上來自謫僂家
雲濤潤孤根陰火照晨葩淨揉挾桑日豔對瀛洲霞
世人愛芳辛寡擷忘幽遐傳名入帝里飛駟辭天涯
王濟本尚味石崇方鬪奢雕盤多不識綺席乃增華
驛馬損筋骨貴人滋齒牙願子藜藿士持此空嘆嗟

途中發

馬躡塵上霜月明岡頭路行人朝氣銳宿鳥相辭去
流水隔遠村縵山多紅樹悠悠閨塞內來往無閑步

和董庶中古散調詞贈尹果毅

昔聽東武吟壯年心已悲如何今渡落聞君苦辛辭
言有窮巷士弱齡頗尚竒讀得玄女符生當事邊時
借名遊俠窟結客幽并兒往來長楸間能帶雙鞬馳
崩騰天寶末塵暗燕南垂燿火入咸陽詔徵神武師
是時占軍募插羽揚金羈萬夫列轅門覘射中戟支
誓當雪國讐親愛從此辭中宵倚長劍起視蚩尤旗
介馬晨蕭々陳雲竟天涯陰風獵百草旗檠光參差

勇氣貫中腸視身忽如遺曾禽白馬將虜騎不敢追

勇氣貫中腸視身忽如遺曾擒白馬將虜騎不敢追
貴臣上戰功名姓隨意移終歲肌骨苦他人印纍纍
謁者既清宮諸侯各罷戲上將賜北第門戟不可窺
背血下沾襟天高問無期却尋故鄉路孤影空相隨
行逢里中舊樸邀昔所嗤一言合侯王晉佩黃金龜
問我何自苦可憐真數竒遲回顧徒御得色慙双眉
翻然悞世途撫已昧所宜田園已蕪沒流浪江海湄
鷲禽毛翮摧不見翔雲姿哀容蔽逸氣孑孑無人知
寂寞草玄徒長吟下書帷為君發哀韻若扣瑤林枝
有客識其真潺湲涕交頤勸爾一杯酒陶然足自怡

望衡山

東南倚盖卑，維嶽資柱石。前當祝融居，上拂朱鳥翮。
青冥結精氣，磅礴宣地脉。還聞膚寸陰，能致彌天澤。

遊桃源一百韵書

沅江清悠，連山鬱峇。寂同流抱絕巘，皎鏡含虛碧。

昏旦透明媚，烟嵐紛委積。香蔓垂綠潭，暮龍照孤磧。

山下潭名綠 離磧名暴龍。淵明著前志，子驥思遠臨。
子驥事見陶

寂々無何鄉，密爾天地隔。金行太元歲，漁者偶探贖。

尋花得幽蹤，窺洞穿閣隙。依微聞雞犬，豁達值阡陌。

居人互將迎，笑語如平昔。廣樂雖交奏，海禽心不擇。

揮手一來歸，故溪無處覓。五百年載市朝幾，遷革

揮手一來歸故溪無處覓
縣、五百載市朝幾遷革
有路在壺中無人知地脉
皇家感至道聖祚自天錫

金闕傳本校玉函留寶曆
禁山開祕宇復戶潔靈宅

詔隸二十戶免
徭以奉洒掃藥檢香氛氲
醮壇烟幕、我來塵外

躡瑩若朝醒析崖轉對翠屏
水窮留畫鷁三休俯喬

木千級攀峭壁旭日聞撞鐘
綵雲迎躡屐遊登最高

頂縱日還楚澤平湖見草青
遠岸連霞赤幽尋如夢

想縣思屬空間寅緣且忘疲
耽玩近成癖清猿伺曉

發瑤草陵寒坼祥禽舞葱
龍珠樹搖玳瑁羽人顧我

笑勸我稅歸靴寬衣何飄飄
童顏潔白誓重岩是藩

屏馴鹿受羈勒樓居邇清霄蘿薦成翠帝仙翁遺竹
杖王母留桃核姹女飛丹沙青童護金液寶氣浮鼎
耳神光生劍脊虛無天樂來僊宰鬼兵役丹丘肅朝
禮玉扎五紬繹枕中淮南方牀下阜鄉烏明鏡坐遙
夜幽籟聽淅瀝因話近世僊聳然心神惕乃言瞿氏
子骨狀非凡格徃事黃先生群兒多侮劇警然不屑
意元氣貯肝鬲徃徃遊不歸洞中觀博奕言高未易
信猶復加訶責一旦前致辭自云仙期迫言師有道
骨前事嘗被謫如今三山上名字在真籍悠然謝主
人後歲當來覲言畢依庭樹如烟去無迹觀者皆失

次驚道紛絡繹日莫山逕窮松風自蕭槭適逢修蛇

次驚追紛絡繹日莫山逕窮松風自蕭槭適逢修蛇
見瞋目光激射如巖三清居不使恣搜索唯餘步綱
勢八趾在沙礫至今東北隅表以壇上石列仙徒有
名世人非目擊如何庭廡際白日振飛翮洞天豈幽
遠得道如咫尺一氣無死生三光自遷易因思人間
世前路何湫窄瞥然此生中善祝期滿百大方播群
類秀氣肖翕闢性靜本同和物牽成阻阨是非鬪方
寸葷血昏精魄遂令多天傷猶喜見斑白喧喧車馬
馳苒苒桑榆夕共安緹繡榮不悟泥途適紛吾本孤
賤世業在逢掖九流宗指歸百氏旁攬撫公卿偶慰

二十三

薦鄉曲謬推擇君安白社貧志傲玄纁辟功名希自
取簪組俟揚歷書府蚤懷鈇射宮會發的起草香生
帳坐曹烏集柏賜宴聆簫韶侍祠閱琮璧嘗聞履忠
信可以行蠻貊自迷希古心妄恃干時畫巧言忽成
錦苦志徒食蘖平地生峰巒深心有矛戟曾波一震
盪弱植果淪溺北渚弔靈均長岑思亭伯禍來昧幾
兆事去空歎惜塵累與時深流年隨漏滴才能疑木
鴈報施迷夷跖楚奏繫鍾儀商歌勞甯戚稟生非懸
解對境方感激自從嬰網羅每事問龜策王正降雷
雨環玦賜遷斥儻復夷平人誓將依羽客買山構精

舍領徒開講席冀無身外憂自有閑中益道牙期日
就塵慮乃冰釋且欲遺姓名安能慕竹帛長生尚學
致一溉豈虛擲芝木資猴糧煙霞拂巾幘黃石履者
墮洪崖肩可拍聊復嗟蜉蝣何頻哀虺蜴青囊既深
味瓊葩亦屢摘縱無西山姿猶免長戚戚

客有為余話登天壇遇雨之狀因以賦之

清晨登天壇半路逢陰晦疾行穿雨過却立視雲背
白日照其上風雷走于內滉瀟雪海翻槎牙玉山碎
蛟龍露鬢鬣神鬼含變態萬狀互相生百音以繁會
俯觀群動靜始覺天宇大山頂自激明人間已霽霈

豁然重昏歛渙若春冰潰反照入松門瀑流飛縞帶
遙光泛物色餘韻吟天籟洞府撞仙鐘村墟起夕靄
却見山下侶已如迷世代問我何處來我來雲雨外

有僧言羅浮事因為詩以寫之

君言羅浮上容易見九垓漸高元氣壯洶湧來翼身
夜宿最高峰瞻望浩無鄰海黑天宇曠星辰來逼人
是時當朏魄陰物恣騰振日光吐鯨背劍影開龍鱗
倏若萬馬馳旌旗聳奔淪又如廣樂奏金石含悲辛
疑其有巨靈怪物盡來賓陰陽迭用事乃俾夜作晨
咿嗟天雞鳴扶桑色昕昕赤波千萬里踴出黃金輪

下視生物息，霏如隙中塵。醯雞仰甕口，亦謂雲漢津。
世人信耳目，方寸度大鈞。安知視聽外，怪愕不可陳。
悠悠想大方，此乃梧水濱。知小天地大，安能識其真。

秋江蚤發

書

輕陰迎曉日，霞霽秋江明。草樹含遠思，襟懷有餘清。
凝睇萬象起，朗吟孤憤平。渚鴻未矯翼，而我已遐征。
因思市朝人，方聽晨雞鳴。昏昏憇余枕，安見元氣英。
納爽耳目變，玩奇筋骨輕。滄洲有奇趣，浩蕩吾將行。

裴祭酒尚書見示春歸城南青松塢別墅

寄王左丞高侍郎之什命同作

登官閱人事晚懷生道機時從學省出獨望郊園歸
野徇度春水山花映巖扉石頭解金章林下步綠微
青松鬱成塢修竹盈尺圍吟風起天籟蔽日無炎威
危逕盤羊腸連甍聳翬飛幽谷響樵斧澄潭環釣磯
因高見帝城冠蓋揚光輝白雲難持寄清韻投所希
二公如長離比翼翔太微含情謝林壑酬贈駢珠璣
願予久郎潛愁寂對芳菲一聞丘中趣再撫黃金微

和河南裴尹侍郎宿齋太平寺詣九龍祠

祈雨二十韻

有事九龍廟絜齋梵王祠玉簫何時絕碧樹空涼颺

吏散埃壒息月高庭宇宜重城肅穆開澗水潺湲時
人稀夜復閑慮靜境亦隨罔懷斷鼈足凝想乘鸞姿
朱明盛農節膏澤方愆期瞻言五靈瑞能救百穀萎
咿喔晨雞鳴闌干斗柄垂修容謁神像注意陳正詞
驚颯起泓泉若召雷雨師黑烟聳鱗甲灑液如夢絲
豐隆震天衢列缺揮火旗炎空忽淒緊高雷懸綆縻
生物已霽霈濕雲稍離披丹霞啓南陸白水含東菑
熙熙飛走適藹藹草樹滋浮光動宮觀遠思盈川坻
吳公敏於政謝守工為詩商山有病客言賀舒龐晉


冬夜宴河中李相公中堂命箏歌送酒

二十三

朗朗鷓鴣絃華堂夜多思
簾外雪已深坐中人半醉
翠娥發清響曲盡有餘意
酌我莫憂狂老來無逸氣

浙江圖書館






浙江圖書館

浙江圖書館藏
民國二十一年
一月

浙江圖書館藏
民國二十一年



浙江圖書館



浙江圖書館

浙江圖書館善本

甲 登記號：018959

一九 年 月 日



浙江圖書館

colorchecker CLASSIC



x-rite



colorchecker CLASSIC



x-rite

